



Page: 8

Reach: 0

Country: BOSNIA AND HERZEGOVINA

Size: 759 cm2

1 / 1

Ove sedmice u Sudu Bosne i Hercegovine

POČINJE SUĐENJE UHAPŠENIM U AKCIJI OSKAR

Ali Lokaj, Nijazi Muharemi, Agim Eljšani, Hakija Mehović, Vidak Milić, Nermin Planinčić i Vahidin Dobrača optuženi za organizovani kriminal, odnosno šverc heroina i skanka iz Makedonije, Srbije i sa Kosova u našu zemlju

U Sudu BiH za srijedu je zakazan početak suđenja uhapšenim u akciji Oskar, a koji se terete za organizovani kriminal i međunarodni šverc droge, potvrđeno je iz ove pravosudne institucije.

U ovom predmetu, podsjećamo, optuženi su Ali Lokaj, zvaní Aga i Aljo (1957), rođen na Kosovu, Nijazi Muharemi, zvaní Tiki Kiki (1963), rođen u Tetovu, Agim Eljšani, zvaní Agi i Gimi (1963), rođen na Kosovu, a nastanjen u Bihaću, Vidak Milić (1950) iz Zvornika, Hakija Mehović (1961), rođen u Boru, Nermin Planinčić (1976) i Vahidin Dobrača (1986), uhapšeni u akciji Oskar.

Na izdržavanju kazne

Oni su, kako smo to pisali, početkom juna pred sudijom za prethodno saslušanje Šabanom Maksumićem negirali krivnju, te je predmet dostavljen Vijeću kojim će u predstojećem postupku predsjedavati sutkinja Tatjana Kosović.

Milić, Planinčić i Dobrača se, kao što je poznato, brane sa slobode, dok su Lokaj, Muharemi i Eljšani u pritvoru, a Mehović na izdržavanju kazne od pet godina i 10 mjeseci, na koliko je osuđen u drugom predmetu.

Lokaja optužnica tereti da je od jula do polovine decembra 2014. u sedam navrata organizovao i rukovodio grupom u kojoj su bili Eljšani, Muharemi, Mehović, Planinčić i Dobrača, te druge osobe kao što su Jašaraj Gani, Murat Hadergjonaj, Zoran Stefanović, Vladislav Vasić, Jugoslav Savić, Denis Jašić, izvjesni Ado i Nusko. Ta grupa je organizovana radi krijumčarenja heroina i skanka koje su iz Makedonije, Srbije i sa Kosova prenosili u BiH.

U optužnici se navodi da su heroin iz Srbije miješali sa drugim supstancama i prodavali u BiH i Srbiji, te najčešće koristili šifrovane termine koji su označavali



Sa privođenja osumnjičenih u prostorije SIPA



vrstu, količinu i cijenu droge, kao i mjesto i vrijeme susreta radi preuzimanja i isplate novca za kupljene narkotike.

Ovoj grupi se na teret stavlja da je u više navrata prokrijumčarila oko 2,5 kg heroina, 1,5 kg skanka, te 400 grama smjese za miješanje sa drogom radi povećanja njene mase.

Prema navodima optužnice, u julu 2014. Lokaj je organizovao nabavku, transport i prodaju heroina i skanka sa Kosova u BiH. Potom su Muharemi u golfu A3 i Hadergjonaj u mercedesu otišli

na Kosovo, preuzeli heroin od pola i jednog kilograma, te 1,5 kg skanka, te tu drogu prevezli u našu zemlju i predali je Lokaju. On ju je skrivao u jednom od iznajmljenih stanova u naselju Tibra u sarajevskom naselju Stup. Lokaj je potom kontaktirao Eljšanija u Bihaću, a on je angažovao Ganija i poslao ga u Sarajevo. Gani je taj heroin miješao u nekom od iznajmljenih stanova, nakon čega je oko 700 grama heroina je prebačeno u Bihać.

Lokaj se tereti i da je 12. jula 2014. putem telefona kontaktirao



Zaplijenjeni droga i smjesa za miksanje



bili Vasić i Savić, koji su peugeotom 607 došli u Sarajevo po drogu i odvezli se u Bijeljino. Odatle su uz pomoć Dragana Radića u čamcu preko Drine kod Donjeg Šepka prevezli drogu u Srbiju. Zatim su se Vasić i Savić vozilom uputili u Vojvodinu, ali ih je u Šapcu uhvatila policija. Istog mjeseca Lokaj je sa Adom ponovo organizovao kupoprodaju droge. Tada je angažovao izvjesni Nusko, koji je drogu autobusom prevezao u Srbiju i predao Adi. Treći put drogu je prenio Planinčić, dok je Lokaj išao ispred njega kao "čistač", a četvrti put istog mjeseca organizovao je šverc skanka. Prvo je 1,5 kg te droge predao Planinčiću, koji je drogu čuvao u Lješevu kod Ilijaša. Potom je Dobrača u dva navrata od Planinčića uzeo po pola kg skanka i odnio ga u Livno, te prodao Darku Pervanu.

11 svjedoka i pet vještaka

Uz optužnicu, koja je potvrđena 7. maja, predloženo je ispitivanje 11 svjedoka i pet sudskih vještaka, te priložen obiman dokazni materijal.

Akcija Oskar je, podsjećamo, započela u julu prošle godine. Prilikom njenog izvođenja primjenjivane su posebne istražne radnje, te su praćene telefonske komunikacije osumnjičenih. Razgovori su vođeni na albanskom jeziku i tom prilikom inspektori SIPA saznali su da četvorica osumnjičenih hoće da u dogovoru sa petoosumnjičenim Milićem, preko Drine, prošvercuju dva kg heroina.

U akciji Oskar, kao što je poznato, pretreseno je 10 lokacija, privedeno osam osoba te ukupno zaplijenjeno oko 1.050 grama heroina i 800 grama smjese za miksanje, odnosno paracetamola i kofeina, kao i drugi predmeti koji mogu poslužiti kao dokaz. **L. S.**